





第一〇四六册

四庫全書

● 上海古籍出版社

本冊目次

太平廣記(四)

宋李昉等奉敕撰……一

欽定四庫全書

子部
太平廣記卷三百九十七至四百一

詳校官中書臣潘有為
檢討臣何思鈞覆勘

總校官進士臣楊懋珩
校對官典簿臣劉景岳
謄錄監生臣何延禮

欽定四庫全書

太平廣記卷三百九十七 宋李昉等編

山

玉筍山

大翻山

山精

石雞山

新豐山

慶山

甕峰

夸父山

插電

河山石斛

終南乳洞

古鐵錄

崖山

聖鐘山

嵩梁山

欽定四庫全書

太平廣記卷三百九十七

石鼓山

射的山

怪山

鳴鏡山

顛臺

上霄峯

麥積山

斗山觀

大竹路

溪

溪毒

山

玉筍山

漢武帝好仙於玉筍山頂上置降真壇大還丹竈道士

晝夜祈禱天感其誠乃降白玉筭置壇上武帝遣使取之至其壇側飄風大震卷玉筭而去因此以為玉筭山焉

出玉筭山錄

大翻山

上郡人王次仲少有異志變倉頡舊文為今隸書秦始皇時官務煩多以次仲所易文簡便於事因而召之凡三徵不致次仲懷道履真窮數術之妙始皇怒其不恭令檻車送之次仲行次忽化為大鳥出車外翻飛而去落二翻於斯山故其峰巒有大翻小翻之名矣魏上地

欽定四庫全書

太平廣記卷三百九十七

二

記曰沮陽城東北六十里有大翻小翻山山上神名大翻廟東有溫湯小口溫湯療治萬病泉所發之麓俗謂之土亭山北水熱甚諸湯療病者要須別消息用之

出水

經

山精

吳天門張蓋冬月與村人共獵見大樹下有蓬菴似寢息處而無烟火有頃見一人身長七尺毛而不衣負數頭死狼蓋與語不應因將歸閉空屋中十餘日復送故

處

又孫皓時臨海得毛人山海經云山精如人面有毛此即山精也故抱朴子曰山之精形如小兒而獨足足向後喜來犯人其名蚊知而呼之即當自却再一名曰超空亦可無呼之

又有山精或如鼓赤色一足其名曰渾

又或如人長九尺衣裘戴笠名曰金累

又或如龍有五赤色角名曰飛龍見之皆可呼其名不

欽定四庫全書

太平廣記卷三百九十七

三

敢為害玄中記山精如人一足長三四尺食山蟹夜出

畫藏

出異苑

石雞山

晉永嘉之亂宜陽有女子姓彭名娥父母昆弟為長沙賊所擄時娥負器出汲於溪還見塢壁已破殆不勝哀與賊相格賊縛娥驅去溪邊將殺之際有大山石壁娥仰呼皇天山靈有神不我為何罪因奔走向山山立開數丈平路如砥羣賊亦逐娥入山山遂崩合泯然如初

賊皆壓死山裏頭出山外娥遂隱不復出娥所捨汲器化為石形似雞土人因號曰石雞山溪有娥潭

出幽明錄

新豐山

唐高宗朝新豐出山高二百丈有神池深四十尺水中有黃龍現吐寶珠浮出大如拳山中有鼓鳴改新豐縣

為慶山縣

出廣德神異錄

慶山

昭應慶山長安中亦不知從何飛來夜過聞有聲如雷

欽定四庫全書

太平廣記卷三百九十七

疾若奔馳土石亂下直墜新豐西南一村百餘家因山

為墳今於其上起持國寺

出傳載

甕峰

華嶽雲臺觀中方之上有山崛起如半甕之狀名曰甕肚峰玄宗嘗賞望嘉其高迴欲於峰腹大鑿開元二字填以白石令百餘里外望見之諫官上言乃止

出開天傳信記

夸父山

辰州東有三山鼎足直上各數千丈古老傳曰鄧夸父

與日競走至此煮飯此三山者夸父支鼎之石也

出朝野僉

插窰

荊州有空舸峽絕崖壁立數百丈飛鳥不棲有一火燼插在崖間望見可長數尺傳云洪水時行舟者泊繫於此餘燼插之至今猶曰插窰

出洽聞記

河山石斛

融州河山有泉半巖將注其下相次九磴每磴下一白

欽定四庫全書

太平廣記卷三百九十七

石浴斛承之如似鑄造嘗有人攜一婢取下浴斛中浣

巾須臾風雨忽至其婢震死所浣巾斛碎於山下自別

安一斛新於向者

出酉陽雜俎

終南乳洞

有人遊終南山一乳洞洞深數里乳旋的歷成飛仙狀洞中已有數十眉目衣服形製精巧一處滴至腰已上其人因手承漱之經年再往見所承滴像已成矣乳不

復滴當手承處衣缺二寸不就

出酉陽雜俎

古鐵鑠

齊郡按歷山上有古鐵鑠大如臂繞其峰再決相傳本海中山山神好移故海神鎖之挽鎖斷飛于此

出酉陽雜俎

崖山

太原郡東有崖山天旱土人常燒此山以求雨俗傳崖山神娶河伯女故河伯見火必降雨救之今山上多生

水草

出酉陽雜俎

聖鍾山

欽定四庫全書

太平廣記卷三百九十七

黎州聖鍾山古老傳此山有鐘聞其聲而形不見南詔

犯境鐘則預鳴唐天寶大和咸通乾符之載羣蠻來寇

皆有徵也昔有名僧講大乘經論鐘亦震焉乾寧中刺

史張惠安請問僧京師右街淨衆寺惠維講妙法蓮花

經一遍此鐘頻鳴如人扣擊知向所傳者不謬矣

出黎州國

嵩梁山

澧州嵩梁山今名石門永安六年自然洞開玄朗如門

高三百丈角上生竹倒垂下拂謂之天簾

出十道記

石鼓山

歙州石鼓山有石如鼓形又有石人石驢俗傳石鼓鳴則驢鳴人哭而縣官不利後鑿破其鼓遂不復鳴

出歙州國

經

射的山

孔靈符會稽記云射的山遠望的的有如射侯故曰射的南有石室可方文謂之射室傳云羽人所遊憩土人

欽定四庫全書

太平廣記卷三百九十七

常以此占穀貴賤諺云射的白米斛一百射的玄米斛

一千孔靈符會稽記云射的石水數十丈其清見底其

西有山上參烟雲半嶺石室曰仙人射堂水東高巖臨

渾有石的形甚員明視之如鏡又會稽錄云仙人常射

如此使白鶴取箭北有石帆壁立

出洽州國

怪山

會稽山陰郭中有怪山世傳本瑯琊東武山時天夜雨晦冥旦而見在此焉百姓怪之因名曰怪山

出廣古今五行記

鳴鏡山

鳴鏡山蕭子開建安記云一名大戈山越王無諸乘象路大將軍垂鳴鏡戴旗敗獫狁登於此山古老傳天欲雨其山即有音樂聲也

出建州國經

顛臺

虔州顛臺縣東南三百六十三里南康記云山上有臺方廣數丈有自然霞如屋形風雨之後景氣明淨頗聞山上有鼓吹聲即山都木客為其舞唱

出十道記

欽定四庫全書

太平廣記卷三百九十七

上霄峰

補闕能皎云廬山有上霄峰者去平地七千仞上有古迹云是夏禹治水之時泊船之所鑿石為竅以繫纜焉磨崖為碑皆科斗文字隱隱可見則知大禹之功與天地不朽矣

出玉堂閒話

麥積山

麥積山者北跨清渭南漸兩當五百里岡巒麥積處其半崛起一石塊高百萬尋望之團團如民間積麥之狀

故有此名其青雲之半峭壁之間錫石成佛萬龕千室

雖自人力疑其鬼功隋文帝分葬神尼舍利函於東閣

之下石室之中有庾信銘記刊於巖中古記云六國共

修自平地積薪至於巖巔從上錫鑿其龕室佛像功畢

旋旋折薪而下然後梯空架險而上其上有散花樓七

佛用金蹄銀角犢兒由西閣懸梯而上其間千房萬屋

緣空躡虛登之者不敢回顧將及絕頂有萬菩薩堂鑿

石而成廣古今之大殿其雕梁畫拱繡棟雲楣並就石

欽定四庫全書

太平廣記卷三百九十七

而成萬軀菩薩列於一堂自此室之上更有一龕謂之

天堂空中倚一獨梯攀緣而上至此則萬中無一人敢

登者於此下顧其羣山皆如培塿王仁裕時獨能登之

仍題詩於天堂西壁上曰躡盡懸空萬仞梯等閒身共

白雲齊簷前下視羣山小堂上平分落日低絕頂路危

人少到古巖松健鶴頻棲天邊為要留名姓拂石殷勤

手自題時前唐末辛未年登此留題于今三十九載矣

出玉堂閒話

斗山觀

漢乾祐中翰林學士王仁裕云興元有斗山觀自平川內聳起一山四面懸絕其上方於斗底故號之薜蘿松檜景象尤奇上有唐公昉飲李八百仙酒全家拔宅之跡其宅基三畝許陷為坑此蓋連地而上昇也仁裕辛巳歲於斯為節度判官嘗以片板題詩於觀曰霞衣欲舉醉陶陶公昉一家飲八百洗瘡一家酒醉而上昇不覺全家住絳霄拔宅只知雞犬在上天誰信路岐遙三清遼廓拋塵夢八景

欽定四庫全書

太平廣記卷三百九十七

十一

雲烟事早朝為有故林蒼栢健露華涼葉鎖金甍舊說云斗山一洞西去二千里通青城大面山又與嚴真觀井相通仁裕癸未年入蜀因謁嚴真觀見斗山詩碑在焉詰其道流云不知所來說者無不異之

出玉堂聞話

大竹路

興元之南有大竹路通於巴州其路則深谿峭巖捫蘿摸石一上三日而達於山頂行人止宿則以絛蔓繫腰縈樹而寢不然則墮於深澗若沈黃泉也復登措大嶺

蓋有稍似平處路人徐步而進若儒之布武也其絕頂

謂之孤雲兩角彼中謠云孤雲兩角去天一握淮陰侯廟在焉昔漢祖不用韓信信逃歸西楚蕭相國追之及於茲山故立廟貌王仁裕嘗佐褒梁師王恩同南伐巴人往返登陟亦留題於淮陰祠詩曰一握寒天古木深路人猶說漢淮陰孤雲不掩興亡策兩角曾懸去住心不是冕旒輕布素豈勞丞相遠追尋當時若放還西楚尺寸中華未可侵崎嶇險峻之狀未可殫言

欽定四庫全書

太平廣記卷三百九十七

出玉堂聞話

溪

溪毒

江南間有溪毒疾發時如重傷寒識之者取小筆管內於鼻中以拍彈之三五下即出墨血良久疾愈不然即

致卒矣

出錄異記

太平廣記卷三百九十七

欽定四庫全書

太平廣記卷三百九十八 宋 李昉等編

石

黃石

馬肝石

石鼓

採石

青石

石文

石連理

太白精

古鐵鏵

走石

石橋

石磨

金瀨

石魚

墜石

欽定四庫全書

太平廣記
卷三百九十八

立石

孤石

網石

卵石

卧石

僧化

實石

目巖

石駝

石柱

石響

石女

藏珠石

化石

松化

自然石

熱石

犬吠石

甕形石

三石

人石

金蠶

披沙

飛坡

鳴沙

石

黃石

欽定四庫全書

太平廣記
卷三百九十八

二

帝堯時有五星自天而實一是土之精墜於穀城山下其精化為圮橋老人以兵書授張子房云讀此當為帝王師後求我於穀城山下黃石是也子房佐漢功成求於穀城山下果得黃石焉子房隱于商山從四皓學道其家葬其衣冠于黃石焉古者常見墓上黃氣高數十丈後赤眉所發不發其尸黃石亦失其氣自絕

出錄異記

馬肝石

元鼎五年郵支國貢馬肝石百斤長以水銀養內於玉函中金泥封其上其國人長四尺唯餌馬肝石此石半青半白如金肝石碎之以和九轉丹吞之一九彌年不饑渴以之拭髮白者皆黑帝嘗坐羣臣於甘泉殿有髮白者以此拭之應手皆黑是時公卿語曰不用作方伯

唯願拭馬肝石此石酷烈不雜丹砂唯可近髮

出洞冥記

石鼓

吳郡臨江半岸崩出一石鼓槌之無聲武帝以問張華華曰可取蜀中桐材刻為魚形扣之則鳴矣於是如其言果聲聞數里

出錄異記

採石

石季龍立河橋於雲昌津採石為中濟石無大小下輒隨流用工五百餘萬不成季龍遣使致祭沈璧於河俄

欽定四庫全書

太平廣記卷三百九十八

三

而所沈璧流于渚上地震水波騰上津所樓殿傾壞壓

死者百餘人

出錄異記

青石

唐顯慶四年漁人於江中網得一青石長四尺濶九寸其色光潤異於衆石懸而擊之鳴聲清越行者聞之莫不駐足都督滕王表送納瑞府

出豫章記

石文

昌松瑞石文初李襲譽為涼州刺史奏昌松有瑞石自

然成字凡千一十字其略曰高皇海宇字李九王八千

太平天子李世王十年太子治書燕山人士國王尚任

諤獎文通千古大王五王七王十五鳳手才子武文貞

觀昌大聖四方上下萬古忠孝為喜勅禮部郎中柳逞

馳驛檢覆并同所奏

出錄異記

石連理

永昌年中台州司馬孟詵奏臨海水下馮義得石連理

樹三株皆白石

出洛陽記

欽定四庫全書

太平廣記卷三百九十八

四

太白精

金星之精墜於中南圭峰之西因號為太白山其精化為白石狀如美玉時有紫氣覆之天寶中玄宗立玄元廟於長安大寧里臨淄舊邸欲塑玄元像夢神人曰太白北谷中有玉石可取而琢之紫氣見處是也翌日令使入谷求之山下人云旬日來嘗有紫氣連日不散果於其下掘獲玉石琢為玄元像高二尺許又為二真人二侍童及李林南陳希烈之形高六尺已來

出錄異記

古鐵鐮

天寶中玄宗以三門河道險阨漕轉艱阻乃令旁北山鑿石為月河以避湍急名曰天寶河歲省運夫五十餘萬又無覆溺淹滯之患天下稱之其河東西徑直長五里餘濶四五丈深二丈三丈至五六丈皆鑿堅石匠人於堅石之下得古鐵鐮長三尺餘上有平陸兩字皆篆文也玄宗異之藏於內庫遂命改河北縣為平陸縣旌其事也

出開天傳信記

欽定四庫全書

太平廣記卷三百九十八

五

走石

寶歷元年乙巳歲資州資陽縣清弓村山有大石可三間屋大從此山下忽然吼踴下山越澗却上坡可百步其石走時有鋤禾人見之各手執鋤趕至止所其石高

二丈

出劍野食載

石橋

趙州石橋甚工磨礪密緻如削焉望之如初月出雲長虹飲澗上有勾欄皆石也勾欄並為石獅子龍朔年中

高麗謀者盜二獅子去後復募匠修之莫能相類者至天后大足年默啜破趙定州賊欲南過至石橋馬踞地不進但見一青龍卧橋上奮迅而怒賊乃遁去

出朝野食載

石磨

吳興故彰縣東三十里有梅溪山山根直豎一石可高百餘丈至青而團如兩間屋大四面斗絕仰之于雲外無登陟之理其上復有盤石正員如車蓋恒轉如磨聲若風雨土人號為石磨轉駛則年豐遲則歲儉欲知歲

欽定四庫全書

太平廣記卷三百九十八

六

之豐儉以石磨候之無差焉

出續齊諧記

釜瀨

夷道縣有釜瀨其石大者如釜小者如斗形色亂真唯

石中耳

出酉陽雜俎

石魚

衡陽相鄉縣有石魚山山石黑色理若生雌黃開發一

重輒有魚形鱗鱗首尾有若畫焉長數寸燒之作魚腥

出酉陽雜俎

墜石

伊闕縣令李師晦有兄弟任江南官與一僧往還嘗入山採藥暴風雨避於楹樹須臾大震有物瞥然墜地條而晴朗僧就視乃一石形如藥器可以懸擊其上平齊如削中有竅其下漸闊而員狀若垂囊長二尺厚三分左小缺色理如碎錦光澤可鑒叩之有聲僧意其異物置於樵中歸櫃而埋於禪牀下為其徒所見往往有知者李生懇求一見僧確然無言忽一日僧召李生既至欽定四庫全書

大平廣記卷三百九十八

七

卒出西陽雜俎

立石

萊子國海上有石人長一丈五尺大十圍昔始皇遣此石人追勞山不得遂立出西陽雜俎

孤石

筑陽縣水中有孤石挺出其下澄潭時有見此石根如

竹根色黃見者多凶俗號承受石出西陽雜俎

網石

于季有為和州刺史時臨江有一寺寺前漁釣所聚有漁子下網舉之覺重壞網視之乃一石如拳因乞寺僧實於佛殿中石遂長不已經年重四十斤張司封員外入蜀時親觀其事出西陽雜俎

卵石

常侍崔元亮在洛中常閒步涉岸得一石子大如雞卵

欽定四庫全書

大平廣記卷三百九十八

八

黑潤可愛玩之行一里劃然而破有鳥大如巧婦飛去出西陽雜俎

卧石

荊州永豐縣東鄉里有卧石一長九尺六寸其形似人而舉體青黃隱起狀若雕刻境若旱使祭而舉之小雨小舉之大雨大舉之相傳此石忽見如此本長九尺今加六寸矣出西陽雜俎

僧化

天台僧乾符中自台山之東臨海縣界得洞穴同志僧相將尋之初一二十里徑路低狹率多泥塗自外稍平澗漸有山山十許里見市肆居人與世無異此僧素習嚙氣不覺饑渴其同行之僧饑甚詣食市肆乞食人或謂曰若能忍饑渴速還無苦或飡啖此地之食必難出矣饑甚固求食焉食畢相與行十餘里路漸隘小得一穴而出食物之僧立化為石矣天台僧出山逢人問其所管已在牟平海濱矣

出錄異記

欽定四庫全書

太平廣記卷三百九十八

九

賈石

唐天復十年庚午夏洪州賈石于越王山下昭仙觀前有聲如雷光彩五色澗十丈袁吉江洪四州之界皆見光聞聲觀前五色烟霧經月而散有石長七八尺圍三丈餘清碧如玉墮於地上節度使劉威命舁入昭仙觀內設齋祈謝七日之內石稍小長三尺又齋數日石長尺餘今只有七八寸留在觀

出錄異記

目巖

平樂縣有山林石巖間有目如人眼極大腫子白黑分明名曰目巖

出荆州記

石曉

于闐國北五日行又有山山上石駱駝溺水滴下以金銀等器承之皆漏人掌亦漏唯瓠取不漏或執之令人身臭皮毛改

出洛陽記

石柱

忸比他國中天竺之屬國也有石柱高七十尺紺色有光或觀其身隨其罪福悉見影中見之

出洛陽記

欽定四庫全書

太平廣記卷三百九十八

十

石響

南嶽岫嶠峰有響石呼喚則應如人共語而不可解也南州南河縣東南三十里丹溪亦有響石高三丈五尺澗二丈狀如卧獸人呼之應笑亦應之塊然獨處亦號曰獨石也

出洛陽記

石女

桂陽有貞女峽傳云秦世數女取螺於此遇雨一女化

為石人今石人形高七尺狀似女人

出王敦始興記

藏珠石

江州南五十里有店名七里店在沱江之南小山山下有十餘枚如流星往來或聚或散石上石有光景相傳云珠藏于此乃無價寶也或有見者密認其處尋求不得

出錄異記

化石

會稽進士李眺偶拾得小石清黑平正溫滑可玩用為

欽定四庫全書

太平廣記卷三百九十八

十一

書鎮焉偶有蛇集其上驅之不去視之化為石求他蟲

試之隨亦化為殼落堅重與石無異

出錄異記

松化

婺州永康縣山亭中有枯松樹因斷之悞墮水中化為

石取未化者試於水中隨亦化為其所化者枝幹及皮

與松無異且堅勁有未化者數段相無留之以旌異物

出錄異記

自然石

洪州建昌縣界田中有自然石碑石人及石龜散在地

中莫知其數皆如鵲琢之狀而無文字石人多倒卧者

時有立者又云側近有石井深而無水有好事者持火

入其中旁有橫道莫知遠近道側亦皆是石人焉

出錄異記

熱石

新止市是景雲觀舊基有一巨石大如柱礎人或坐之

蹋之逡巡如火燒應心煩熱因便成疾往往致死或云

若聚火燒此石吼即瞿塘山吼而水沸古老相傳耳又

欽定四庫全書

太平廣記卷三百九十八

十二

蜀州晉原縣山亭中有二大石各徑二尺已來出地七

八寸人或坐之心痛往往不救又是落星石東邊者坐

即靈者西邊者與諸石無異色並帶青白也

出錄異記

犬吠石

婺源縣有大黃石自山墜于谿側瑩徹可愛羣犬見而

競吠之數日村人不堪其喧乃相與推致水中犬又俯

水而吠愈急取而碎之犬乃不吠

出稽神錄

甕形石

潘祚為鄱陽縣令後連帶古城其中隙荒數十畝祚嘗與家人望月於此見城下草中有光高數丈其間荊棘叢密不可夜行即取弓射其處以誌之明日掘其地得一甕大腹小口青石塞之祚命舁歸其家發其口不可開令擊碎之乃一石如甕之形若冰凍之凝結者復碎而棄之訖無所得

出稽神錄

三石

處州石人山在泥水口近有三石形甚似人居中者為

欽定四庫全書

太平廣記卷三百九十八

十三

君左曰夫人右曰女郎

出鄧德明南康記

人石

昔有夫妻二人將兒入山獵其父落崖妻子將下救之

並變為三石因以為人石

出周地圖記

金蠶

右千牛兵曹王文秉丹陽人世善刻石其祖嘗為浙西廉使裴璩采碑於積石之下得一自然員石如毬形式如礮斷乃重疊如殼相包斷之至盡其大如拳復破之

中有一蠶如蟻螭蠕蠕能動人不能識因棄之數年浙西亂王出奔至下蜀與鄉人夜會語及青蚨還錢事佐中或云人欲求富莫如得石中金蠶畜之則寶貨自至矣問其形狀則石中蟻螭也

出稽神錄

坡沙

飛坡

永昌年太州敷水店南西坡白日飛四五里直塞赤水

坡上桑畦麥龍依然仍舊

出朝野僉載

欽定四庫全書

太平廣記卷三百九十八

十四

鳴沙

靈州鳴沙縣有沙人馬踐之輒鎗然有聲持至他處信

宿之後無復有聲

出國史異纂

太平廣記卷三百九十八